


讀書錄


四之六



			九	漢
			四	書
			七	閣
			四	內
			九	庫
七	六	一		
冊	架	函	號	類

			九	漢
			四	書
			七	閣
			四	內
			九	庫
九	函	一		
冊	架	函	號	類

內閣文庫	
番號	漢 9449
冊數	7 (2)
函號	299 60



淺草文庫

讀書錄卷之四

大象辭皆以理言

天之道元亨利貞民之故仁義禮智

程子之易主孔子

只一理春謂之元夏謂之亨秋謂之利冬謂之

貞因時以立名耳


伏羲時卦書雖具而占卜之法未備意唐虞夏

商之世已有占卜之法如禹曰枚卜功臣惟吉

之從舜曰官占惟先蔽志昆命於元龜祖伊曰

格人元龜罔敢知吉箕子陳洪範稽疑之時危

商



詳於卜筮。大卜掌三易。夏曰連山。商曰歸藏。周曰周易。以是觀之。則周以上蓋已有占卜之法矣。周易則因文王演易繫彖。周公繫爻而得者。周以前占卜之法。既皆不傳。今所傳者。惟周易。至孔子則作彖傳。小象。大象。文言。繫辭。說卦。序卦。謂之十翼。然周以上易雖不可見。觀經傳論載之語。蓋皆專主卜筮。文王周公之易。則皆發明伏羲卜筮教人之意。在著。至孔子則始詳於義理。而不遺卜筮。程子之傳。專主義理。朱子本義。則推原作易教人卜筮之意。於千古之上。讀

易者。各即其意而觀之可也。

朱子之易。主邵子。啓蒙可見。

親親仁也。敬長義也。无他。達之天下也。故知惟

孝友于兄弟。為為政之本。

成性存存。所以之本也。道義之門。所以達用也。

性是本來固有之理。惟存之又存。則道義由是

而出矣。

行。浮於言。

行七八分。言二三分。

不言而自能行。出則人心服。

處事不可使人知恩

法者天討也。或重或輕。一付之天心可也。或治
奸頑而務為寬縱。暴其小慈。欲使人感己之惠。
其慢天討也甚矣。

情可矜。雖從寬典。又當使之不知其寬可也。
欲人悅己。則人有惡己者矣。

為政當以公平正。大行之。是非毀譽皆所不恤。
必欲曲徇人情。使人人譽悅。則失公正之體。非
君子之道也。

只今在己者處得。是何恤浮言。

處事在己者。只當務實。若能動人。否則在彼耳。
我何容心其間哉。

因讀朱文公與子受之書。念之。夙夜无忝。
不生之言。不勝感發。興起中心。惻然必欲不為
一事之惡。以忝先人。

每顧遺體之重。未嘗一日敢忘先人。

處事詳審安重。

伊尹曰。接下恩恭。豈惟人君當然哉。有官君子。
於臨衆處事之際。所當極其恭敬。而不可有一
毫傲忽之心。不惟臨衆處事為然。退食宴息之

時亦當致其儼肅而不可有頃刻褻慢之態。臨政持己，內外一於恭敬，則動靜無違，人欲消而天理明矣。

乾以易知，坤以簡能。乾坤只是自然，故易簡人能順自然之理，則易簡者可默識矣。人只是箇心，靜則存，動則應，明白坦直，本無許多勞擾。若私意一起，則支節橫生而紛紜多矣。

少欲則心靜，心靜則事簡。簡者非厭事繁而求簡也，但為所當為而不為。

所不當為耳。

一為外物所誘，則心無須臾之寧矣。

當事務叢雜之中，吾心當自有主宰，不可因彼之擾擾而遷易也。

閑邪如城郭，城郭不完，則外寇入；閑邪不密，則外慮侵。

事貴斷制，撇脫。

用法秤量輕重，要不失其中而已。

法者天討也，玩法所以玩天也，敢不敬乎？

世有賣法以求賄者，此誠何心哉！夫法所以治

態

奸頑也奸頑有犯執法以治之則良善者獲伸
矣若納賄而縱釋奸頑則良善之冤抑何自而
伸哉使良善之冤抑不伸是不惟不能治奸頑
而又所以長奸頑也據高位載顯名秉三尺者
忍為此乎
世有假官柄以濟貪欲者吾不知此何心也
至誠以感人猶有不服者况設詐以行之乎
感自內出應由外來
陰符經曰萬化定基易曰同歸而殊塗一致而
百慮其旨一也

至宋儒而道術一
漢儒識緯九流之雜唐士釋老辭章之支至宋
儒出而道術定於一今學校之教經術之習絕
口於漢唐異端駁雜之學者宋儒之功也
圖象隱於異學者數千年至邵子而反之於易
其有功於易學大矣
易先天諸圖自希夷以前皆為方士所傳授至
邵子反之易則知作易之本原實出於此朱子
詩曰大易圖象隱正謂隱於異學也
易之本原至邵子而復明

一本三下有
步字

行第一步心在第一步上行第二步心在第二
步上三步四步无不如此所謂敬也如行第一
步而心在二。三步之外行第二步而心在四五
步之外即非敬矣至若寫字處事无不皆然寫
第一字心在第一字上為一事心在一更上件
件專一便是敬程子所謂主一之謂敬无適之
謂一與

膽欲大見義勇為心欲小文理密察智欲圓應
物无滯行欲方截然有執
膽大心小似知崇礼早智圓行方似和而不流

象由卦生德以象立

仁健義順與天地合其德也知周萬物與日月
合其明也仕止久速各當其可與四時合其序
也進退存亡不失其正與鬼神合其吉凶也
心細密則見道心簡則行不著習不察
不言而躬行不露而潛脩

書稱柔曰濟指蓋深則指淺則否嘗驗之就人
其深沉者必有智浮淺者必无謀也

讀書皆以明本來固有之理而欲行之无疑耳
為學大抵就己分上去其本无之私欲全其固

有之天理耳

德不德能不能厚之至也

聖賢之子孫賢不肖皆天也。天本无心。人之生也。偶值其氣之清明純粹者為賢。知得其氣之昏濁駁雜者為頑愚。若聖賢之子孫有賢不肖之異者。則以所值之氣不同耳。後人因見聖賢之子孫或有不肖者。乃謂聖賢已奪其秀氣。可謂繆悠之論矣。

體認之法。須於身心之所存所發者。要識其孰為中。孰為和。孰為性。孰為情。孰為道。孰為德。孰

為仁。孰為義。孰為禮。孰為智。孰為誠。又當知如何為主。敬如何為致。恭如何為存。養如何為育。察如何為克己。如何為復禮。如何為戒慎恐懼。如何為致知力行。如何為博文約禮。於凡天理之若。皆欲識其真。於凡用功之要。皆欲為其真。如此則見道明。體道力。而无行不著。習不察之弊矣。

有人為學者。徒曰講道學道。不知所以體認之。則所講所學者。實未知為何物也。

天理如人。天理之名如人之有。名。既識人之名。

須親見人之貌方為真識其人既知理之名須
真知理之實方為真知其理徒知理之名而不
知理之實猶徒識人之名而未嘗親見其人之
貌又烏得為真知真識哉
氣質之偏自生來便有此矣若自幼至長歷歷
曾用及化之功則亦無不可變之理若氣質既
偏自少至長所習又偏一旦驟欲變其所習非
百倍之功不能也
無限量無欠缺無間斷
學不進率由於因循

事莫不放過而皆欲合理則積久而業廣矣
此果何物邪推而上之莫究其始引而下之不
見其終測之而無窮資之而不竭離之而不開
斷之而不絕此果何物邪竟不可得而名也
淵淵乎天源之莫測浩浩乎天流之無窮
千古聖賢未嘗不以警懼之意為勸
治世君臣警戒之辭多衰世君臣諛說之辭多
借問天源深幾許古今常只是滔滔年年成就
無邊物本體何曾減一毫
聖賢立心決持千萬世之綱常

常日役役於物忽有一念之善生即夫子所謂
平地雖覆一簣進吾往也平日力於為善忽有
一念之懈生即夫子所謂譬如為山未成一篑
止吾止也
語之而不惰只是顏子之心深契聖人之言故
每聞每新忻悅不已而行之豐豐忘倦若心與
言不相契則每聞每厭矣尚安能忻悅不已而
發之所行哉
理氣間不容髮如何分孰為先孰為後
循循而不已者其有所至歟

防小人密於自脩

三綱五常之理萬古猶一日

非實理則月異而歲不同矣

太極只是箇性字

周子之太極即中庸之誠

今之學者有開口即論太極者不知果識否不
然吾恐徒得其名而不得其所以名也

程子親受太極圖於周子而終身不以語人其
慮遠矣後學者有未涉西書門庭者開口即論太
極馳心玄妙而不知反求諸己其弊有不可勝

言者
 一理涵萬物萬物分一理
 萬物各得一理之一分而一理之本體依然完
 其初无絲毫之減損也
 萬物一年生土一番是得一年之氣萬物雖銷落
 泯滅无餘而氣之滾滾日新者自无窮已而所
 以无窮已者豈非太極為之體歟
 鄉黨一篇皆聖人之時中
 舜命棄播百穀即命契敷五教繼以皋陶明刑
 食教刑三者相因可見有虞為治之序

養民生復民性禁民非治天下之三要
 萬物自微以至著
 聖人全體太極渾身是天理也
 究竟无言處方知是一源
 雲厚則雨甚雲薄則雨少
 欲問收功何取似玄天幽默本无言
 不識理者難識理須知識理本无名
 孰為始乎氣之息其始乎始之前為終終之前
 復為始殆不可知其孰為終孰為始蓋必有能
 始能終者居其間而卒莫之始終也

未有一本作
本无

海其大乎曰非也。嶽其大乎曰非也。地其大乎
曰非也。然則孰為大。曰天為大。海者天氣之流
萃嶽者天氣之流峙。地者天氣之流結。是皆天
之所為也。天之所為者。若有方矣。而其所以為
者。則未有方也。以其无方。則天之大小。亦宜乎
駸駸而明者。日之為乎。曰日特陽之一物耳。非
能為明也。駸駸而暗者。月之為乎。曰月亦陰之
一物耳。非能為暗也。然則明暗孰為之哉。曰氣
機一動而群陽闢。晝之明從焉。氣機一靜而群
陰翕。夜之暗隨之。動靜翕闢皆機之所為。而實

未嘗有為也。是皆循環相推而不得已乎。尔
氣有形理无迹。氣載理理乘氣。二者渾渾乎无
毫忽之間也。

萬物未生不加多。萬物已生不加少。易所謂高
有日新其是之謂歟。

謂有乎。則視之无形也。謂无乎。則其來有本也。
有本而无形。則有而无矣。无形而有本。則无而
有矣。有而无。无而有。非真知有无為一體者。不
足以語之。

天地山川日月星辰萬物皆可見也。而其所以

為是則不可見也。以不可見者語人，孰信哉？蓋必心得而後信也。心得非他，必自近始。近莫過於吾身。吾身百體皆可見也。其所以為是百體之宜，則不可見也。可見而無不可見者，為之主則百體皆失其職矣。舉近以明遠，則天地山川日月星辰萬物之理一也。

升堂入室，必以階。而君子為學，亦必以階。小學大學，古為學之階也。秦漢而下，學者莫得其階。升堂入室者，寥寥而迷惑顛躓於異學功利之途者，衆矣。卒亦何所至邪？今朱子小學四書，猶

雅

古之階也。循此而賢，循此而聖，是在人乎耳。舍是而階於他，吾不知其所至矣。

豈獨樂有邪？鄭邪書亦有之。小學四書六經，濼洛關閩諸聖賢之書，雅也。嗜者少矣。夫何故？以其味之澹也。百家小說淫詞綺語，恠誕不經之書，鄭也。莫不喜談而樂道之。蓋有不待教督而好之者矣。夫何故？以其味之厚也。澹則人心平，而天理存。其則人心迷，而人欲肆。是其得失之歸，亦可異於樂之感人也哉。

君子之心，欲人同其善。小人之心，欲人同其惡。

太極上有一字

形而上者謂之道形而下者謂之器聖人論理氣最分明又无離而二之之病萬物定于一萬事定於一萬古定於一如耳目口鼻手足之理各具之太極也一心之理統體之太極也自一身言之耳有耳之理目有目之理口鼻有口鼻之理手足有手足之理以身之所接而言父子有父子之理君臣有君臣之理夫婦長幼朋友有夫婦長幼朋友之理以至萬物有萬物之理凡此衆理莫不窮而通之所謂窮理也既

知其理於一身之理必有以踐之於人倫之理必有以行之於萬物之理必有以處之所謂盡性也能盡其性則理所自出之天命莫不有以造極一原所謂至命也理也性也命也雖同為一理初无本末精粗之殊而窮也盡也至也則略有淺深之序學者不可不察體認未至終未能與道合一乍存乍亡者是間斷之時多也吾奮然欲造其極而未能者其病安在得非舊習有未盡去乎

舊習最害事。吾欲進彼則止，吾之進吾欲新彼則汨。吾之新甚可惡，當刮絕之。吾北歸得如非復吳下阿蒙，則庶有進乎。若與初來時無異，恐有愧於故舊也。朱子遣子從學，欲其一變舊習而歸曰：舍之舍之，無忝尔所生乎。吾來湖南三年矣，北歸有進庶無忝尔所生乎。仁則一，不仁則殊。生理無不貫者，仁也。仁道之大，莫能禦。

仁推之千萬億物，無不通。生意無窮，偶於李核可見。如一李核種之，即成一株。一株姑以結百李言之，種之即成百株。百株結千李，種之即成千株。千株結萬李，種之即成萬株。萬株結百萬李，種之即成百萬株。由是推之，生生之理，蓋不可勝窮也。仁道之大，于此亦可見。心不可斯須離正理，身不可斯須離正道。曾點言志，只是箇仁字。滿招損謙，受益即謙，卦虧盈益謙之意。

周子通書字字皆實

二帝三王治天下純是天理之公无一毫人欲之私漢唐歷代治天下純是人欲之私帶些子天理於其間

開眼六十四卦皆見於天地之間

讀有卦畫之易當知无卦畫之易有卦畫之易今之易書猶可以言求无卦畫之易則可以心會而不可言求邵子所謂須信畫前元有易是也

萬物皆一陰陽陰陽皆一理

一本言上有以字

道只在動止語默之間身外求道遠矣

已知如未知已能如未能則有進

事未至先无一物在心則事至應之不錯若更

未至先有三端兩緒在心則先自撓雜矣應更

安得不錯乎

不敢有邪心漸近於誠

聖賢言格物致知處便當效其格物致知言存

養省察處便當效其存養省察聖賢為教之法

无不效其所為則讀書有切己之益而不為口

耳之陋矣

學者開口皆能言道是好道理然當自體諸心果能實好此好道理否又當體之身果能實行此好道理否若徒能言之於口而體諸身心者皆不能然是所謂自欺也謹防外好以奪志斯須照管不至則外好有潛勾竊引之私不可不察人欲如寇敵專以窺吾之虛實斯須防閑不密則彼乘間而入矣人心貴乎光明潔淨為學時時處處是做工夫處雖至鄙至陋處皆

一本無下字

當存謹畏之心而不可忽且如就枕時手足不敢妄動心下不敢亂想這便是睡時做工夫以至无時无事不然

天地自然之文物物皆具如花木文縵綠色之類皆是也

噬嗑賁豐旅四卦論用刑皆離火之用以是見用法貴乎明噬嗑豐以火雷雷火交互為體貴乎明慎之用

治獄有四要公慈明剛公則不偏慈則不刻明

一本體下有用法二字
體下有用法二字

則能照則能斷

外物至輕已德至重重其輕輕其所重不知類也外物至養生之具固不可缺但君子取之有道用之有節小人則取不以道用不以節取謂天理人欲同行異情也

工夫緊貼在身心做不可斯須外離常得心在內則寡過矣

心一放即悠悠蕩蕩无所歸着

千古聖賢之言一性字括盡

細者天之生物只是自然无纖毫作爲之思故

真字一作直

人見其易而不見其難人能事事順理而行則亦如天之自然不難矣

順理而行則真而易逆理而行則曲而難

聖賢之迹固當考而已之所行者又當隨時揆之以理而不必其事之同如禹稷顏回迹雖不同而道則同也

所謂理者萬事萬物自然之脈絡條理也循其脈絡條理而行本无難事惟不知順理妄行所以崎嶇險阻不勝其難也
心地乾淨自然寬平

人能知天地萬物。各有截然之分。則心自定矣。知理而行者。如白晝見路。分明而行。自无差錯。不知理而行者。如昏夜无所見。而冥行。雖或偶有與路適會者。終未免有差也。讀前句如无後句。讀此書如无他書。心乃有入。凡看聖賢書。皆當以仁義禮智信五者。細細體會。旁通之久。則彼此互相發明。可以見天下道理之名。雖多。而皆不外此五者矣。予畏上帝。不敢不正。可見湯之伐夏。一出於上天之公。孟子所謂天吏是也。夫豈有一毫利天

下之心哉。苟有利天下之心。則非所以為湯矣。成湯放桀于南巢。惟有慝德。湯之不幸。天下之幸也。天之生物一本也。知易者莫若孟子。易有太極易者。陰陽之變。而其所以為是陰陽之變者。太極也。聖人言太極。就陰陽中指出此理。以示人。无不曾離陰陽而言。如所謂一陰一陽之謂道。形而上者之謂道。形而下者之謂器。皆不曾外陰陽而言道也。

一分而為二一即在二中而一之本體未嘗分也二分而為四一即在四中而二之一則未嘗少也四分而為八一即在八中而四之一又未嘗減也以至八分而為十六十六分而為三十二三十二分而為六十四一則隨所分而元不在而其分之主則自若也蓋一生二二生四四生八八生十六十六生三十二三十二生六十四而一隨生隨在者分之殊也六十四根於三十二三十二根於十六十六根於八八根於四四根於二二根於一者理之一也理之一各貫於分

殊之中分之殊畢統於理一之內分之殊若分矣而理之一則渾然无所不包實夫嘗不合也理之一若合矣而分之殊則粲然各有條理實未嘗不分也分而合合而分斯所謂一以貫之者歟

一心管萬復理一分殊萬復由一心分殊理一天陽地陰陰陽之氣屈伸往來者鬼神也故曰鬼神者天地之功用而造化之迹也陽之能伸者神陰之能屈者鬼二物也伸極而屈者神之鬼屈極而伸者鬼之神一物也二而

一一而二知道者然而觀之

生天生地生陰生陽生溫生熱生寒生涼生白
生月生星生辰生雨生露生雷生霆生水生火
生木生金生人生物生獸生禽生生之多蓋不
可勝窮也而皆本於一生

太極動而生陽神也靜而生陰鬼也鬼神者其
太極乘氣機而屈伸乎

英氣甚害夏渾涵不露圭角最好

第一要有渾厚包涵從容廣大之氣象
促迫褊窄淺率浮躁非有德之氣象

只觀人氣象便知其涵養之淺深

萬物之形著者其始也甚微

河圖虛其中以為太極而兩儀四象八卦皆由
是以生邵子所謂天向一中分造化也

畫前之易不待卦畫而已著者也

見得理明須一一踐履過則更與理相安而皆
有著落處若見理雖明而不一一踐履過則理
與事不相資終无可依據之地曾點所以流於
狂也

精粗本末兼盡所以為聖賢之學若舍粗而求

精厭末而求本。所謂語理而遺物。語上而遺下。鮮不流而為異端。二程所以接孔孟之傳者。只是進脩有序。直是要求實理。實理之名。雖在書而實理之理。則在理。曲折細微。理无不貫。

讀書當着實體認。如讀中庸首章天命之謂性。便當求天命之性的在何處。讀大學首章明德新民止於至善。便求三者的為何。莫如此則當道理躍如皆在心目之間。自不為文字言語所

纏繞矣

因閑畫伏羲八卦小圓圖貼於壁上觀之。覺有流動之意。

孟子曰：天下之生久矣。一治一亂。知易者莫若孟子。纔言象便非真。因象以識其真。則在人要耳。

每日就身心言行應事接物處。緊緊體認仁義禮智四者。體認得是。則行不錯。聖人取人極寬。如仲叔圍祝鮀王孫賈皆未必賢。以其才可用。猶皆取之。後之君子好議論者。

於人小過必弁論不置而遺其大者視聖人包
含之氣象遠矣聖人取人雖不以有功而掩其
過亦不以有過而掩其功如管仲霸者之佐耳
其過多矣聖人猶不廢其一匡天下之功後世
有論人過而遂沒其功者多見其剋核之甚
也

老子道德經常无欲以觀其妙應上文无名天
地之始常有欲以觀其微應上文有名萬物之
母
讀二典三謨夏商周書其明白者皆有功於學

者之身心愈讀愈有味

知我者其天乎猶中庸所謂知天地之化育言
與天地之化育默契為一非但聞見之知而已
但中庸言已契天論語言天契已其實一也
下學而上達知我者其天乎下學學人復上達
達天理也人復如父子君臣夫婦長幼之類是
也天理在人如仁義禮智之性在天如元亨利
貞之命是也蓋下學父子君臣夫婦長幼之人
事便是上達仁義禮智元亨利貞之天理也謂
之天知者非聞見之知也乃天與聖人默契為

一。是以人不能知而天獨知也。然五者姑舉。復理之大者而言。其實元一而非下學人等上達天理也。

夫子發莫我知也之歎。蓋當時之人。雖知夫子為聖人。但雷同知其名而已。實不知聖人之所以為聖人也。知聖人所以為聖人。如愚之顏子。一唯之曾子而已。如子貢之高識。猶未及此。故曰。知我者其天乎。然于斯之際。子貢雖未能盡領夫子之歎。若後來性與天道不可聞之言。夫子猶天不可階而升。及緹來動和之論。則子貢

愿按
核當作枝

亦可謂深知夫子矣

家人卦治天下之本備要

偶食桃梅

桃樹接梅核結實者

其生者味酸熟者味甘因

思孟子曰夫仁亦在乎熟之而已。蓋凡為學為善皆貴乎熟。不獨仁也。苟為不熟。要得其味之美哉。

君子熟於善。小人熟於惡。

君子熟於精微之義。小人熟於機詐之巧。

君子熟於公正。小人熟於私邪。

理象數辭易備要

上下遠近大小內外渾然是天也
天外无物物外无天
理氣象數之外无餘物
大小大道理吾心悅而不口不能言
舉此以告人人其信之乎吾其誰告之
毫私不有渾渾乎其深大也
融釋與道為一
元來學子不可有為有為即人欲而非天理矣
觀天之道皆公而自然不為何而春夏生物不
為何而秋冬成物人之道亦公而自然不為何

以也字一本
作自矣

而行仁義不為何而行礼智若有為而行即私
而不公矣
讀咸有一德之書則知伊尹之學極其精密成
湯以元聖稱之有以也夫
商書數篇光明峻潔真所謂灑灑者也
典謨仲虺成湯伊傳諸書尤切於學者
讀書必專精不二方見義理有一念之雜即隔
一重矣
以鴻鵠之心讀書必不能造乎精微
詭命曰惟學遜志務時敏厥脩乃來允懷于茲

道積于厥躬惟歟學子半念終始典于學厥德脩
罔覺遜志時敏允懷終始典與學皆為學之功乃
來道積于厥躬厥德脩罔覺皆為學之效
說命曰人求多聞特惟建學下文即繼之曰學
于古訓乃有獲學不師古以克永世匪說攸聞
蓋學古訓即所謂求多聞學不師古之學即特
惟建學之事非有二也求多聞猶易曰多識前
言往行以畜其德耳必謂資之人可乎
既乃遜志荒野暨厥終罔顯只是耳盤隱遜不
顯于世耳當以朱子語錄為正

張南軒无所為而為之言上其義甚大蓋无所
為而為者皆天理有所為而為者皆人欲如日
用間大夏小事只道我合當如此做做了心下
平平如无事一般便是无所為而為若有一毫
求知求利之意雖做得十分中理十分夏業總
是人欲之私與聖人之心絕不相似
无所為而為猶正其誼不謀其利明其道不計
其功之意
无所為而為猶當理而无私心仁也有所為而
為者夏雖當理未能无私心也謂之仁可乎

如乍見孺子之入井惻隱之心發无所為而為也。若惡其聲納交要譽之心生即有為而為矣。知及之仁不能守之雖得之必失之狂者也。觀師冕見一章可見聖人接物之誠心。若常人之於瞽者鮮不忽易而欺詬之于此亦可以觀聖人之氣象。

觀聖人與師言辭語從容誠意懇至直使人感慕于數千載之上。

常人見貴人則加敬見敵者則敬稍衰於下人則慢之而已。聖人於上下人己之間皆以誠敬

之心

敬天之心瞬息不敢怠

近來誠實畏天而不敢萌一念之惡

洪範篇造化氣數天理人事皆具書之易也

洪範二五章踐形盡性之學備於此

易六十四卦三百八十四爻只是君子小人迭為盛衰

君子居君子之位小人居小人之位則治反此則亂有天下國家者皆當親君而遠小人子。大丈夫以正大之心以光明行復終不為邪暗

小人所惑而易其所守
 以顏子之亞聖聖人猶告以遠侮人况他人乎
 理明心正則邪媚不能惑
 好正道則正人至好邪道則邪人至氣類相感
 也
 君子之出處當脩其身而聽之天彼卑污苟賤
 搖尾乞憐攀援勢要以售進者果何心哉
 邪正相為勝負久矣
 仲德曰惟天生民有欲无主乃乱惟天生聰明
 時又咸湯曰惟皇上帝降衷于下民若有恒性

克綏厥猷惟后武王曰惟天地萬物父母惟人
 萬物之靈亶聰明作元后元后作民父母歷觀
 自古聖君賢相之言如此則天之所以立君者
 不過欲治民教民養民使各遂其生而已豈有
 他乎哉
 老子云玄之又玄衆妙之門只是說性情
 衆妙之門猶道義之門
 老子之書始欲論理之玄妙末則流於權術
 程子曰予之所傳者辭也由辭以得其意則在
 心要耳不但讀易之法如此他書皆然

莊子斲輪之說深中學者溺於語言而不得其
意之弊世有開卷則能說義理真若有所得者
掩卷則茫然漫不知所說為何意誠所謂糟粕
者也弊也久矣一一見得理有下落方為真見
真見明則邪見不能惑
余覺前二十年之功不如近時切實而有味
天地者吾之父母也凡有所行知順吾父母之
命而已遑恤其他
先天圖却觀坤艮坎巽乾兌離震以至復皆前
天地之往順觀自復震離兌乾巽坎艮以至坤

皆後天地之終往者推其往而無極來者推其
來而无穷所謂引之於前而不見其始之合推
之於後而不見其終之離也
占卜古為大事舜欲禪禹禹曰枚卜功臣惟吉
之從洪範稽疑專以卜筮為主大誥洛誥諸篇
凡征伐定都大事皆歸重於卜以是知占卜古
為大夏
古者占卜之法聖人以至公无私求之其求之
之心固已神矣則龜筮之神安得不應之如所
謂官占惟先蔽志昆命于元龜朕志先定詢謀

僉同鬼神其依龜筮恊從之語可見後人以私
意邪謀求之欲其應也難矣

孟子曰苟求其故千歲之日至可坐而致也康
節之學推往知來蓋亦如此

雖微細事不可苟皆當處置合宜
寡欲省多少勞擾

只寡欲便无事无事心便澄然矣

余每呼此心曰主人翁在室否至夕必自省曰
一日所為之事合理否

讀書所以不見德崇業廣者只是講說不曾實

行如講學而時習章便能學而時習否讀其為
人也孝弟章便能孝弟否讀顏子問為仁章便
能非禮勿視聽言動否若不能如此只是講說
耳

看得為學无別法只是知一字行一字知一句
行一句便有益

心不妄思一心皆天理身不妄動一身皆天理
事不妄為复事皆天理

因无窮盡故无方體若有窮盡則有方體矣
心誠色溫氣和辭婉必能動人

讀書錄卷之四

[Faint bleed-through text from the reverse side of the page]

讀書錄卷之五

凡卦六爻以初二三四五六為主以所值九六
之爻為容所謂周流六虛者也
卦爻六位皆虛隨所值奇偶居之
天下无獨必有對河圖卦畫可見
迹履之所出也而迹豈履哉書道之所出也而
書豈道哉
雨皆地氣自下而上蒸騰而成天愈高則氣愈
清不能成雨也
雲濃則成雨氣濃則生物易曰天地絪縕萬物

化醇過惡揚善非剛明者不能故放大有言之
內剛外明大有也

人不能有進只是惑惑者見理未透而心有所
疑也疑故欲進不進學至不惑則理明而無疑
其進自不能止矣

雷電風雲雨露雪霜之類皆氣聚而有聲有形
既散則无迹矣神矣夫

細者天地萬物皆氣聚而成形有聚必有散雖
散有大小遲速之不同其散一也
謹守下學自能上達

看聖門教法只是有序无序便差

曾子所傳无弊只是教人有序大學可見

內剛外和决小人之道

决小人當先自脩不可專尚剛強决曰告自邑

不利即戎利有攸往

內健則有必去之志外說則无悻悻之色决小

人之善道也

取與是一大節其義不可不明

理氣雖不可分先後然氣之所以如是者則理
之所為也

只是合當如是便是理
聖人之言雖零碎說而合轉起來則皆貫於一
諸子之書非无喜言但欲一一合轉為一則有
不通者矣理直是難說謂无形則須有理謂有
理則又无形惟默識之可也
理直要心得難以言語形容之
五性之用知最先如開眼作事便要見是非豈
不是知在先
理氣不可分先後只於太極圖可見
太極動而生陽雖自動處說起而其根却自靜

中來如天之四時負下起元是也然靜又根於
動動又根於靜所謂動靜无端陰陽无始也
理只在氣中决不可分先後如太極動而生陽
動前便是靜靜便是氣豈可說理先而氣後也
◎此圖中一小圈即无極而太極動而生陽是
右邊陰為之根靜而生陰是左邊陽為之根方
其動也則太極附動而行方其靜也則太極依
靜而立陰陽相根理氣混合元无間斷先後
一陽止於二陰之上山之象一陽剛也石也二
陰柔也土也觀之山可見

心一收而萬理咸至。非自外來也。蓋常在是而心存有以識其妙耳。心一放而萬理皆失矣。非向外馳也。蓋雖在是而心亡。无以察其妙耳。如手足耳目口鼻之類。皆人也。其理則道也。須是於手足之類。事更操持。其理斯存。所謂人能弘道也。若手足之類。不加操持。則理豈能自存哉。此道不能弘人也。

古語曰：敬德之聚也。此語最宜潛體。蓋道妙莫測。靡有攸定。惟敬則能凝聚。得此理常在。如心敬則凝聚。得德在心上。貌敬則凝聚。得德在貌。

上以至耳目口鼻之類。无不皆然。或有不敬。則心若放逸。而天德亡。而體懈弛。而物則廢。雖曰有人之形。其實塊然血氣之軀。與物无以異矣。此敬之一字。乃聚德之本。而為踐形盡性之要也。歟。

周子太極圖。朱子之解。以心契心者也。孰讀精思二三十年。庶得其旨趣之妙。殆非淺近之功。取可得而窺測也。

余見說太極者多矣。苟非實得真說。夢耳。

朱子曰：聚散者氣也。若理則只泊在氣上。初不

是疑結自為一物但人分上合當然者便是理不可以聚散言也

理既无形安得有盡

理如月氣如水或一海水或一江水或一溪水或一汜水或一鍾水或一盃水水雖不同莫不各得一月之光或一海水盡或一江水盡或一溪一沼一盃一鍾水盡時各水之月光雖不可見而月之本體則常存初不與水俱盡也以是觀之則氣有聚散而理无聚散也又可見矣

易有太極言氣以原理太極動而生陽言理以及氣有形者可以聚散言无形者不可以聚散言

後人開口論性天道而其理益隱矣

近世儒者割裂經史子集百家之說區別門類綴集成書務欲包括古今間目以為決科之利使後學轉相剽竊但資僥倖利達而无以資身心之用其弊也甚矣

為科目而著書者皆非為己之學也

聖賢專以為己之學教人而猶有為人者况以

科舉為人之學教人乎

子貢謂夫子之言性與天道不可得而聞也近見性與天道誠有不可得而聞者

一部論語聖人所以教人者率多孝弟忠信仁義之道至於性天道僅見於子貢之語而夫子之語則終未之及也後之學者開口即論性天道之微竟不知實於此理為何如

俗儒不知教人之本或為講語之類使學者誦習全文為說書應答之用其壞人才甚矣諸子百家皆有可取之言但欲句句求實用則

有不通者矣故曰致遠恐泥

聖賢之書統體純粹而不雜諸子之言雜駁中亦有純粹者取節要可也

江邊石壁无寸土而草木生之瓦可見剛陽之氣

无物有大於理者天地雖大亦一物耳誠知此理有登泰山而小天下之氣象

讀朱子語錄雜書断不若讀其手筆之書後儒纂集雜說語錄附諸經書條下有語同而數處皆見者幾於曰若稽古三萬言矣

各經四書註脚之註脚太繁多竊謂不若專讀
各經四書正文傳註熟之又熟之以待自得之
可也小註脚太繁多不惟有與經註矛盾處亦
以起學者望洋之歎
學者於正經傳註尚不能精熟即泛觀小註中
諸儒之說愈生支節而莫知其本若傳註精熟
之餘有餘力而參看之可也
外莫者皆不知其味也
知理之大則知萬物之小形而上者无窮也
天地間无別隻只一理陰陽五行化生萬物而

已
太極圖右半陰中之陽即程子所謂靜中有物
乃十月純坤中之陽也
理一分殊開眼便見
理雖微妙難知實不外乎天地陰陽五行萬物
與夫人倫日用之常善觀者於此默識要則其
體洞然矣
耳頃非特聞人言語為聲入心通雖風雷禽鳥
一切有聲之物接於耳者无不悟其妙也張子
喜聞驢鳴之意亦如此

觸目皆物物識其理所謂眼底无金牛也
要當於有形處默識无形之理所謂費而隱也
物格知至則識太極矣
孔子曰庸言之信庸行之謹以是知言行之至
小者皆當謹信而不可忽今人日用言行將謂
小事都不謹信此德業所以不廣崇也
聖人大公无我真天地之氣象後人區區小智
自私晝夜圖為无非一身佚欲之計宜其氣象
之卑陋也實當脩其在己者无恤其在外
己未善人譽之不足喜己有善人毀之不足怒

靜思善皆己分之當為初與人一毫無與若纔
為善即有求名之心乃人欲而非天理矣
在外者皆不可必在己者皆所當求
太極反之於身精而約者也
太極理雖至妙而其實不外乎身心動靜五常
而行之間後人論太極即作高遠不可究詰之
理求之去道遠矣
只於身心口鼻耳目手足動靜應復接物至近
至小處看太極尤分明不必專論於千古之上
六合之外也然近者小者既盡則遠者大者可

默識而一以貫之矣

太極乃至精至約之理全之者聖脩之者賢
伏羲觀象以畫卦周子原理以作圖其義一也
疾惡之心固不可无然當寬心緩思可去與否
審度時宜而處之斯无悔切不可聞惡遽怒先
自焚撓縱使即能去惡已亦病矣况傷於急暴
而有過中失宜之弊乎經曰勿忿疾於頑孔子
曰膚受之愬不行皆當深味
事最不可輕忽雖至微至易者皆當以慎重處
之

觀聖人之去小人皆從容自在若無事者所謂
可怒在彼已何與乎者也

觀太極圖得一靜字為處變之本

凡事皆當謹始慮終

從變於主敬者斯得太極之妙

亦足以發只是尊所聞行所知耳

他人聞聖人之言便休顏子於聖人之言句句

无不識其理而踐其實故曰亦足以發

不為耳目口鼻所役覺得心常泰然

蚤隨時而出虫應節而鳴无非教也

萬物盡天地老。超然獨存再造天地萬物者其
太極乎

如崖石上草木豈有種皆氣化而生也

山下有火賁君子以明廢政无敢折獄上山下
火火為山揜明不燭遠故有此象

天地之初總是氣化今則氣化形化。竝行而不
息

天地之初人物无種純是氣化自人物有種之
後則形化雖盛而氣化亦未嘗息自今觀之人
與禽獸五穀之類凡有種者皆形化至若昆虫

為

草木之類无種而生者尚多。試以一片白地。驗
之。雖掘至泉壤暴曬焚燒其土。俾草木之遺種
根蘖皆盡。然一得雨露滋澤。風日吹暄。則草木
復生其處。此非氣化而何。又若腐草為螢。朽木
生蠹。濕氣生虫。人氣生虱之類。无非氣化也。或
謂形化盛而氣化消者。竊以為不然。石壁上草木
最可見。生物自虛中來。虛中則實。氣是也。知此
直使人有手舞足蹈之喜。一切有形之物皆呈露
出无形之理來。所謂无
非至教也。

人讀書果能於聖人之言句句皆體之身心而力行之即是顏子亦足以發之意。

讀書只當以正文傳註為本正文傳註已通析尚有可疑者乃可參考語錄諸說竊見傳註之外皆有諸儒小註經文不過數語而小註乃至數千百言其實學者不但不能周覽并經文傳註亦不能精若有大聖賢作必重加芟削矣人果能誠心求道雖五經四書正文中亦自有入處若無誠心向此雖經書一章反覆以數萬言釋之人亦不能有得也。

二程因遺經而得不傳之遺緒今之傳註可謂發揮詳且明矣而學者莫肯盡心其間何邪識高則量大氣盛則聲宏

聖賢教人皆略啓其端使學者深思而自得之如夫子所謂不憤不啓不悱不發孟子所謂引而不發躍如也程子曰易傳只說得七八分待人自去體究朱子釋顏樂章曰今亦不敢妄為之說如此之類甚多聖賢之心非不欲一言而使學者盡得其義其實道體深妙有非一言所能盡者而言之輕適足以使聽之者易彼必不

能深思而自得也。故必略啓其端，使彼深思而自得之，則守之固而不忘矣。後之人有於聖賢引而不發者，極論其底蘊，使學者一見之，頃即謂吾已盡領其妙，而不復致思，其實不能真得於心，而徒增口語之譁耳。以是知聖賢立教，為慮甚遠，而有益於學者甚大。

易書春秋，誠有不可強通者，只當缺其疑文中。子曰：古之從仕者養人，今之從仕者養己，切中後世祿仕之病。

易書春秋以數千年簡編之傳寫，豈无一言半

句之磨錯，必欲字字釋其義，難矣。不若守朱子讀書之法，通其可通者，缺其不可通者。

密汝言和汝氣。

仲長子光曰：在險而運奇，不若宅平而无為。

薛收問仁，文中子曰：五常之始也。問性，五常之本也。問道，五常之一也。

自有天地，即有聖人之教。西方之學，果是耶？伏羲神農黃帝堯舜三代之世，又何為不出耶？果非耶？何其既出而好之者衆耶？西方之學未出而天下之治靡所缺，既盛而前代之治有所忽。

其殆有所棄而至耶折氣化消息邪正相勝而然邪余皆不知其故也

三教之說其來久矣使教有三則天地之化亦有三矣

觀奇偶則知邪正有迭勝之理扶陽抑陰距邪閑正非聖賢吾誰望邪

孟子曰天之生物也一本而世以三教茲稱則是天之生物亦有三本耶

夷服夷音夷行人皆知惡之而有不惡者何耶脩己治人始終條理詳備者无如大學

他書非无脩己治人之法但散出而難得其要得其要者大學也

人心皆有所安有所不安安者義理也不安者人欲也然私意勝而不能自克則以不安者為安矣

大學全體大用之書也

大學文簡而包括无窮

大學三綱領八條目於千聖之書无不括盡論治而不本於大學非所謂治也

大學八條目功夫一篇不可缺

大學之道其至矣乎不行於世也久矣
有大學之工夫則有王佐之事業

大學乃諸書之括例

不觀諸陰陽乎其他皆以漸而不驟人之處夏
如是則鮮失矣

經傳究竟而不可言者所謂密也

理非利口弁舌者所能知惟默而成之不言而
信存乎德行者識之

政出於一則治有所統而民心信

唐虞百揆之職揆之一字最有深意政夏可止

可行莫不揆度其宜可則行否則止此所以政
出於一而下无廢夏也

患知人之不明不患大臣之竊柄蓋知人則所

任者必君子何竊柄之患不知人則雖防忌大

臣不使預夏而左右竊柄者必有人矣觀之後

漢可見

舍大學之道而欲復三代之治未之有也

漢唐宋之治所以苟簡而不能復三代之隆者

皆不能盡大學之道耳

唐太宗欲興禮樂可謂不度德者也

或謂誠得大儒佐漢。以禮樂為治。其效當不止如叔孫通制禮之小。竊謂漢祖以馬上得天。下不夏詩書。治家則以私昵。為治則以雜霸。於人倫之序與和者蔑如也。使有大儒生其時。果能變其已成之氣。習致君德如三代之隆。邪不然。則亦无如禮樂何也。
太極者萬理之總名。
三綱五常。禮樂之本。萬夏之原。
聖人論治。有本有末。正心脩身。其本也。建制立法。其末也。

理極難說。大抵神妙不測。不問遠近幽深大小。精粗无乎不在。
可見者是氣。氣之所以然。便是理。理雖不離氣。而獨立亦不雜氣。而无別。
看來理一齊皆具。而无一物能外之者。
氣則萬變不齊。理則一定不易。
天地生人物。不是旋安排。箇理來與他。盖合下便已都足了。无添无减。无多无少。萬古只如是。有此理。便有此物。有此物。便有此理。无不相離。以勢利交者。安得不離。

易之卦爻象數皆是天生的
為君所委任者當以誠報不可一事欺之
易從至微以到至著
惟以文辭名位自高而貪鄙之行有不異常人
者斯亦不足貴也已
畫前之易冲漠无朕之中而萬象照然已具
也
擬特自守者必君子攀援附和者必小人
太極圖義理精而約該而備
太極中无一物人能中虛无物則太極之妙可

默識矣

百姓日用而不知皆為氣所隔昏蔽之極殆與
物无異

理明而觀衆論之得失了然

无毫髮欠缺无瞬息間斷

此理真不得而名故夫子取无聲無臭以形容
之若以物喻之即滯於形器矣不可以方駘求
心存則固器以識道

看來學者不止應事處有差只小小言動之間
差者多矣

釋氏極論道妙而以金玉珍寶奇怪之物侈言之何邪

聖人之心如天物有違忤者終无私怒也釋氏極言其神妙无方慈悲忍辱至於一有毀謗其書不算其教者即報以種種之罪又何其量之小而心之忤邪

太極圖一以貫之

天體物而不遺仁體夏而无不在吾道一以貫之

聖人之言坦易明白讀之千古可見其心老莊

之言回邪艱阻使讀者不可模擬此其所以為正道異端之別

聖人聞人毀己譽己无不少動如浮雲一過而太虛湛然

教人之法至程朱而復明

教人不以小學大學為學子不由小學大學皆非教非學也

余少年學詩學字錯用工夫多早移向此度幾萬一治病不求其本除弊不自其源難也已子產鑄刑書叔向譏之此有深意

觀孔門諸弟子之言從容和毅皆彷彿夫子之氣象乃聖教涵煦而然也

不以礼制心其欲无涯

心无所止則一日之間四方上下安往而不至哉

衣食之類本為養生之具不可缺者故聖人為治必開衣食之源以厚民生故衣食飽煖足矣若過求華麗之衣欲以是誇人而有道者无足觀也必欲極口腹之欲養小以失大君子不為也是則衣食取足者天理之公過為華侈者人

欲之私君子謹之

釋老之高只是无欲无欲而滅絕倫理故曰高而无實

後人只為多欲故為異端所小若能如聖人之无欲而常伸於萬物之上彼身得而小之

君子法乾之健只无私便不息有私則息矣

重坤相因其勢極厚君子法之以厚德載物水游至君子以常德行習教之水相續不已有恒久之意故君子以常德行相沓而來有重複之意故君子以習教事

○一本有易大
象三字

天下有山遯君子以遠小人。不惡而嚴。天高去而不留。山卑下而常止。有懸絕不相及之勢。君子猶天也。小人猶地也。君子以莊敬自持。則小人自不能近。故取此象。山上有火。旅。君子以明慎用刑。而不留獄。火照有明意。山靜有慎意。火去又有不留之意。澤上於地。華。君子以除戎器。戒不虞。華。聚也。人聚既眾。易致變。故除戎器以備不虞。地暗火明明出於暗。為晉。君子觀其象以去暗。即明。故曰以自昭明德。

雷出地中其聲大。而氣和暢。故樂之聲音和暢。象之機不可妄發。康節詩曰。施為欲似千鈞弩。此意近老子之術。

至日閉關高旅不行。后不省方。安靜以養微陽。聖人贊化育之一端。

雲雷參錯震迅。乃天地屯難之時。君子觀其象。宜絳綸以濟時難。

震動坎險。時之未通。君子宜不遑安處。以濟其屯。

火雷噬嗑。火明雷震。先王明罰取火之意。勅法。

取雷之意

以茂對時育物皆實理也故取法於无妄
外晦則氣象含蓄内明則文理密察莊衆之道
也

既濟乃已盛而有將衰之兆故當思患而豫防
之

剛明並用折獄致刑之道也

明相因而不息大人緝熙光明以照臨天下也

澤没火則火滅火燥澤則澤涸相革之義也

四時寒暑迭相更革故治曆明時取革之義

類族并物各別其所同也

臨下之道无過於教思无窮保民无疆

山下有澤澤匯山截乃損之義人所當損者莫
過於忿怒嗜慾也

麗澤有互相浸灌之義講習有互相滋潤之益
上天下澤其分甚明并上下定民志法之

鼎器所處安重故能受所載之實君子居位法
鼎器之安重故能凝聚上天之命靜則聚動則
散故正位足以凝命

木上有水井其出无窮君子勞民勸相亦无倦

天之不息以剛君子法天之不息亦以剛
地厚无水不容故為師君子法之亦當无物不
容也

天下有風鼓物无不周徧誥命施四方法之
隨風巽風有漸次柔入之義君子法其象亦當
丁寧其命於再三以行亨則入人深而人易從矣
雷相沓而至聲可畏无甚於此故君子以恐懼
脩省

艮内外皆止故君子所思不出其位
木自地出為升君子法升之象順積其德自小

以至大

澤性潤下山體中虛内能受外也君子亦當虛
中无我以受天下之善

天氣也山形也以形畜氣於畜至大君子法之
多識前言往行以畜其德

山上有木為漸長之義君子居賢德善俗亦當
以漸而不可驟

風行地上无不周徧先王省方觀民設教亦无
不周徧

物之相比莫過水與地故先王建萬國親諸侯

取其義

他物相比猶有間惟水與地相比無間

君子之顯晦屈伸隨時而已故否之時則儉德辟難人不得以祿榮之

過恭過哀過儉皆過之小者也

上安由下厚故剝上厚下以安宅

山下出泉雖蒙昧而有可行之理山上有水則窒礙而有難行之勢故君子觀蒙之象則當果

行育德觀蹇之象則當反身脩德

果行水之義育德山之義

天上水下天左水右二者相違而為訟君子觀其象作事謀始則訟端絕

只六十四卦之名儘有義理以言者尚其辭此亦可見

遷善如風之速改過如雷之迅益之大者

雷入澤中聲向闕寂響悔入宴息取其義

山下有火賁君子以明庶政无敢折獄明庶政取火之義无敢折獄取止義山下有火明不能

燭遠故其象如此

制數度議德行節之義

君子議獄緩死出於中心之實故取中孚之義
中孚全體則中虛二體則中實中虛如心之无
物中實如心之有理
火上水下各行其性而不相資故君子觀其象
以慎弁物居方弁物謂水火二物居方謂火上
水下凡物皆然
風行水上渙散之義享帝之廟所以合其渙
山本高地本下高而能下謙之義
過惡揚善非內剛外明者不能故大有象之
山下有風蠱君子以振民育德振作其民取風

意養育其德取山義

澤上於天夫君子以施祿及下居德則忌施祿
取澤下之義居德則忌取乾健之義
慎言語養德之大節飲食養生之大
雷雨作解散過宥罪取解散之義
上火下澤睽君子以同而異同者秉彝之自然
異者制行之當然
君子需時飲食宴樂以需之
隨日入之晦而宴息隨之大者
陽根陰陰根陽而太極之理无不在焉程子所

謂易變易也。變易以從道也。道者何？太極之謂也。天地之化一過而不留，聖人之心一應而无迹。全剛絀只欲說形而上之道，以形而下者為幻迹。此所以偏於空虛也。聖人則道器合言，所以皆實。

立法當審度時宜。後世論者多欲復肉刑，此不度時宜者也。唐虞三代風氣淳，教養備，犯者至少，故肉刑可施。後世風氣日漓，他夏皆與古異，獨欲復此法，殆有辱賤踊貴之譏矣。

先儒謂肉刑於今死刑中施之，亦足以寬民之死。太極圖右邊黑中之白，白盡即為陽，非自右而左也。左邊白中之黑，黑盡即為陰，非自左而右也。但假象以顯義，姑以黑白分左右耳。靜中之動亦自此起，動中之靜亦自此起，非有二也。

聖人之心廓然大公，與化无累異端，必求一超。出陰陽之外，不生不滅之說，有是理乎？聖人大公至正之道，開眼即見萬世无弊。雨亦有就隨處雲氣蒸騰而成者，亦有自他方

雲氣風雷校持而至者雖有遠近不同及雲氣
布獲周匝則元間矣

想韓文公敬太顛只是被他說着已病故為其
所動韓公不能忘情富貴而太顛以物外清虛
曠蕩之說格之此公所以為其動也
為學以四書為本

四書五經周程張朱之書道統正傳舍此而他
學非學也

漢唐以來正教與異學並行而學者莫知所宗
自宋諸君子表章四書五經而發揮之如日月

經天而燭火自息有志之士宜熟讀精思而力
行之庶不負先正之教云

四書滿天下真知實踐者蓋有之矣吾不得而
識其人也

書求精一之旨詩求思无邪之旨禮求敬樂求
和春秋求是非易求象占義理皆體於身心則
有實用矣

惟无欲最高有欲則早矣
伊傳周召佐王行道其功大矣而彼不自大也
如有自大之心則非伊傳周召矣

舜禹有天下而不與分定故也。

天地日月風雷雲雨金木水火山澤八卦之象
健順麗明險陷止動說入八卦之德。

揚子法言意實淺而飾以短澁竒古之詞何邪。
聖人雖澤及四海功被萬世而无一毫自滿之
意釋氏動輒言其功德无量何邪。

聲香色味觸佛書所謂五欲世人之所貪著彼
欲滅絕者也。及其論聲香色味之盛又極人世
之所无者而誇耀之何其自相反邪。

學子有所得必自讀書入讀書千孰萬孰時一言

一句之理自然與心融會為一斯有所得矣。

象山謂人讀書為義外功夫必欲人靜坐先得
此心若如其說未有不流於禪者。

太極是易之精六十四卦三百八十四爻中无
限事是易之蘊。

下民雖所稟之性皆同而其實拘於氣質愚昧
无知者多傳曰堯舜帥天下以仁而民從之桀
紂帥天下以暴而民從之使皆有知則帥之以
暴而不從矣如異端恠誕之說分明理所无者
而民皆靡然信從之可見其无知也。

好異端者天資高則淪於空虛氣稟下則惑於
罪福要見道只在存心心存則觸處與道相值
心不存則雖至近者亦莫識其為道矣
程子釋中庸或飛魚躍曰與必有夏而無正
心之意同活潑潑地存心之謂也
萬事猶可力為只此理非力所及
理如物心如鏡鏡明則物無遁形心明則理無
蔽迹昏則反是
惟心明則映得理見
道雖未嘗遠人心有斯須不存則人自遠道矣

釋子以罪福誘人豈是公道

釋子不問賢愚善惡只順己者便是

一片實理徹上徹下萬古完具而有生之類自
不能外

理如日光氣如飛鳥理乘氣機而動如日光載
鳥背而飛鳥飛而日光雖不離其背實未嘗與
之俱往而有間斷之處亦猶氣動而理雖未嘗
與之暫離實未嘗與之俱盡而有滅息之時氣
有聚散理无聚散于此可見
一理古今完具而萬物各得其一

理如日月之光。小火之物各得其光之一分。物在則光在物。物盡則光在光。消息者氣。而所以消息者理。聖人所以不矜者。只為道理是天下古今人物公共之理。非已有之私。故不矜。

讀書錄卷之五

讀書錄卷之六

論語一書。聖人多就。復言而理在其中。其答問仁處。亦只以求仁之方。為仁之資。告諸子。至於仁之理。則未嘗及也。此所謂无迹也。歟。論理而不及。復末流為虛无之弊。

聖人多教人。以下學人。事。

古者詩書禮樂。多就事上教人。而窮理亦就物上窮究。故所學精粗本末兼該。而无弊。後世或論理太高。學者踐履未盡。粗近而論議已極。精深。故未免有弊。君子偕老。其辭含蓄微婉。略无

激發不平之氣可見詩人之忠厚而學者玩此亦可以進德矣
詩人氣不暴戾而詞語和平雖其一已有涵養之功是亦先王德澤入人之深也後世之詩有佻薄淺露者雖其人无涵養之功亦可以觀世變矣

讀書固不可不思索然思索太苦而无節則心反為之動而神氣不清如井泉然渇之類數則必濁凡讀書思索之久覺有倦意當歛襟正坐澄定此心少時再從事於思索則心清而義理

自見

思索太勞而不節暴其氣也

顏子於聖人之言无所不說正與不違如愚互相發事來不問小大即當撥之以義萬物本諸天萬復本諸心

氣昏物誘者性之害識明理昧者學之功

三代之治本諸道漢唐之治詳於法

教不以道則非教學不以道則非學

古之學也一後之學也支

心不錯即諸夏不錯矣

公於己者能公於人私諸人者由私諸己
周程張朱有大功於天下萬世不可勝言於千
餘年俗學異端淆亂駁雜中剔撥出四書來表
章發明遂使聖學晦而復明大道絕而復續繁
然各為全書流布四海而俗學異端之說自不
得以干正其功大矣
思天理則心廣而明思人欲則心狹而暗
法言澁而晦中說暢而淺
中說勝法言

聖賢之書其中必有體要如明德為大學之體

要誠為中庸之體要仁為論語之體要性善為
孟子之體要以至五經各有體要體要者何一
理而足以該萬殊也苟揚諸子之書詞亦奇矣
論亦博矣其中果有體要如聖賢之書乎不然
則偏駁支離而已矣

文中子論治道固多條暢只是碎細若聖人論
治道則自源徂流本末兼舉不若是之碎細也
語人以所不及者當語人以所不及者妄
默觀太極圖與己一一契合

五經四書之外義理之精妙者無過太極圖切

要者无過西銘

太史公謂儒家者流博而寡要非寡要也雖有要而人自不知也要者何一之外无餘言也觀衆水之流當知其本源觀萬物之生當知其一本觀群聖之言當知其一理

宋以前知孟子者韓子一人而已

實過其名者魯齋其人也

須弥納芥子以形言芥子納須弥以理言

程子挈敬之一辭示萬世為學之要

程子之主敬周子之无欲皆為學之至要

讀書貴知要只顏子四勿心不絕想口不絕念身之勿失循之勿違豈有差錯泛觀天下之書而不知用力處雖多亦奚以爲理无影就事可默識

尋思千能百巧都不濟事只无欲是高處

不善之端豈待應物而後見耶如靜中一念之刻即非仁一念之貪即非義一念之慢即非礼一念之詐即非智此君子貴乎慎獨也

程子曰人之於性猶器之受光於日日本不動得此一證則此理萬古常存而不亡可知矣

理為主氣為容容有往來皆至之所為而主則
不與之俱往

元亨利貞天之命也仁義禮智人之性也四者
惟人與天合而得其全就人中細分之又有氣
質清濁通塞之不齊有全之全者有全之半者
有全之少者有皆不能全者其品蓋不可勝計
也至於物則拘於氣質愈不能全矣如木得仁
之性火得禮之性金得義之性水得智之性皆
不能相通也蜂蟻得義之性雕鳩得智之性虎
狼得仁之性豺獺得禮之性亦不能盡推也是

則同者生理之一源異者氣質之萬殊

仁之性物得者尤多如牛呼犢而鳴鳥護子而
翔鷄護雛而啄犬護子而噬皆慈愛之發於自
然也但馬形氣所拘於此一端略能發見他則
不能類推矣

天將陰雨而穴居者先知如蟻出而鶴鳴於堙
是也以此見物物各有一性

至微之物尤可見其性識之靈常看蟻出穴者
雖行百步之遠一往一返行列不亂而又不迷
失故穴非其性識之靈能若是耶

飛潛動之物皆有知。有性植物則无知而有性。性之本體未感物時渾是善。到感物而動之初則有善有不善。周子所謂幾也。衆蟻得一物合力舉之。以歸其穴。謂之無知不可。仁義禮智之謂性。率性而行之謂道。行道而有得於心之謂德。全是德而真實无忘之謂誠。无欲如至清之水。秋毫畢見。有欲如至濁之水。雖山岳之大亦莫能鑑矣。人欲盡而天理見。如水至清而寶珠露。人欲深

理一作某

而天理昏如水至濁而寶珠暗。此先儒之成說。但先儒以氣稟言。瘧以人欲言。犬至賤而有義。主家雖貧甚而不去。亦可見性无不在也。鳥造天未陰雨而網繆。歸戶亦其智之一端。鳥性巧如燕作巢之類。可見瓜瓠之類以竹木引之皆纏附而上。又似有心者。蓋主宰乎是者乃其心也。鴻鴈之避寒暑。鷓鴣之避風。皆其智之一端。鳥獸皆知寒煖飢渴。牝牡利害之情。而不知礼

義之當然。乃氣體昏塞之甚而不能通也。晦菴
朱子所謂知覺運動之蠢然者。人與物同。仁義
禮智之粹然者。人與物異。正謂此耳。
今人開口論治道。殊不知治道之大。不出乎木
學一書。
孔子教人。說下學處極多。說上達處極少。至宋
諸老先生。多將本源發以示人。亦特不得不然
耳。
細看植物。亦似有心。但主宰乎。是使之展葉開
花結實者。即其心也。

聖人教人。以正容謹節。即是持敬之道。如告仲
弓。出門如見大賓。使民如承大祭之類。可見
程子曰善固性也。惡亦不可不謂之性也。可見
理雖不雜乎氣。亦不離乎氣。
仁義禮智。即是性。非四者之外。別有一理為性
也。道只是循此性而行。非性之外。別有一理為
道也。德即是行此道。而有得於心。非性之外。別
有一理為德也。誠即是性之真實。无妄。非性之
外。別有一理為誠也。命即是性之所從出。非性
之外。別有一理為命也。忠即盡是性於心。非性

之外別有一理為忠也。恕即推是性於人，非性之外別有一理為恕也。然則性者萬理之統宗，與理之名雖有萬殊，其實不過一性。省察之功不可一時而或怠。詩曰：夙夜匪懈，其斯之謂歟。一而无二。

内外合一性與理无二致

太極中无一物外物於吾何有

老子多藏必厚亡之言極善

老子曰身與貨孰多身一而已矣世有迷貨喪

軀者何其愚之甚邪

天誠可畏迨而吾心吾身密室顯地无非天也敢不畏乎

人為不善者將以欺天而天不可欺將以欺人而人不可欺曷若不為之愈也

性一也本然之性純以理言氣質之性兼理氣言其實則一也故曰二之則不是

程子曰形易則性易性非易也氣使之然也

萬變不齊者皆氣之所為而理則自若也輕與必濫取易信必易疑

○凡待人當盡其忠而不可以欺人我一至欺人實所以自欺也二十四

此理為氣所挾持或善或惡至於萬變之不齊而其體則一也性譬如一源水引去清潔中則水亦清亦猶氣清而性亦明也引去濁渠中則水亦濁亦猶氣昏而性亦昏也是則水有清濁者渠使之然而水則本清性有昏明者氣使之然而性則本明此先儒之說余特述以明己意耳

○慮事周密必心泰然八字アリ

終不能常久開通所謂為學者正欲復此不美之氣質使理常發見流行耳然非加百倍之功亦莫能致也敬字一字无欲字乃學者至要至要余近日甚覺敬與无欲之力此理經宋儒大加發揮之後繁爛明白真所謂江漢以濯之秋陽以暴之皜皜乎不可尚已惡亦是性只是性翻轉了便為惡非性之外別有一物為惡也如陰符經五賊之說可見略有與人計較短長意即是相滓消融未盡

氣自是新
者非既散之
氣復為方
生之氣也
子論呼吸亦
如此二十五
字了

人能弘道非道弘人見氣強而理弱

上天之載元聲元臭復何言哉

不行而至不疾而速蓋當體皆具亦无至亦无連

理只為氣所隔蔽故不明去其蔽隔則天理粲

如矣

至大之惡由於一念之不善

君子惟義是守命有所不恤也

君子性其氣小人氣其性

掃却浮雲而太虛自清徹去蔽障而天理自著

世人信占卜小術以為已有高貴之命一切不

脩人事恣縱妄為偃然僥倖所獲蓋有不遂所

欲而反懼咎者多矣命其果可恃乎惟君子則

不然凡而恐懼脩省惟義是守而貧賤富貴一

聽於自然命蓋有所不計也

星命家最悞人君子得吉卜固若常夏而不廢

其脩省之功小人得吉卜則曰吾命素定矣雖

為不義之事可无傷也恃此而取敗者多矣

命雖在天而制命實在己有人於此以星命家

言之謂其有永年之壽矣然入水即溺入火即

焦所謂永年者不可恃也不入水火即不焦溺

豈非命雖在天而制命在己乎

又如人素羸瘠乃能兢兢業業凡酒色傷生之事皆不敢為則其壽固可延永矣又如素強壯乃恃其強恣意傷生之事則其禍可之待也此又豈非命雖在天而制命在己歟

程子曰脩養之引年為國之祈天永命常人之至於聖賢皆工夫至此則有此效驗信哉斯言也

觀无逸耽樂之戒則知祈天永命者誠有在程子曰吾以徇欲傷生為深恥學者體此則可

以保身矣

為善須表裏澄徹方是真實為善有纖毫私意夾雜其間即非真為善矣

韓魏公范文正公諸公皆一片忠誠為國之心故其事業顯著而名望孚動於天下後世之人以私意小智自持其身而欲事業名譽比擬前賢難矣哉

君子行義以俟命小人恃命以忘義

天道福善禍淫昭然可驗間有不然者幸不幸耳

敬是方做工夫誠是已成就處

心如鏡敬如磨鏡鏡纔磨則塵垢去而光彩發
心纔敬則人欲銷而天理明

夫子曰人之生也直枉之生也幸而免君子之
獲福宜也小人之獲福幸也

六十四卦三百八十四爻惟貴乎時君子之處
世亦曰時而已矣

位與時學易者宜深體之

理无窮而氣亦无窮但理无改變而氣有消息
如溫熱涼寒氣也所以溫熱涼寒理也溫熱涼

生熱盡涼生涼盡寒生寒盡溫復生循環不已

氣有消息而理則常主消息而不與之消息也
氣有聚散理无聚散于此又可見

人有矜伐者亦勞矣

无形皆是道有形皆是氣氣形而下者也道形
而上者也

人只於身內求道殊不知身外皆道渾合无間
初无内外也

不可將身外地面作虚空看蓋身外无非真實
之理與身內之理渾合无間也

程子所謂廓然而太公物來而順應正周子胸
中灑落如光風霽月之氣象
聖人之心應物即休元不少動
聖人應物雖以此理應之其實理只在彼物上
彼此元不移也
外慕者內不足
萬物各有定分已不得一毫侵預之
未應不是先已應不是後造化亦然
如此物未生時此理不是先此物已生時此理
不是後一以貫之

應事既已理依舊在此元不隨去
聖人治人不是將自己道理分散與人只是物
各付物
知無極而太極者窮神之事也
只至於敬纔有卓立不然東倒西歪卒无可立
之地
薛子宴坐水亭忽鬱然而雲興潏然而雨集冷
然而風生鏘然而虫急羽者飛秀者植童者侍
鱗者適群物雜然而聲其聲形其色薛子竄然
深思獨得其所以為是聲與色者而中心悅

敬為百聖傳心之要。凡見於書者，尤詳。程子發
明其所以為敬之義，精矣。敬則卓然，
敬則光明，
纔到理處，便難言。
滯於言，則愈蔽。孔子曰：天何言哉？四時行，
百物生，天何言哉？
天何言哉，即无極之妙。
千古為學要法，无過於敬。敬則心有主，而諸
可為外物所動者，只是淺。

相業自大學經學中來者，深。自史學、
子學中來者，淺。要見古人之相業，伊
傅之書，宜熟讀。後世非无救時之相，
只是規模淺。相業有格心之學，則其
規模宏遠矣。歷代世變，固不可不考，
然當以明理為本。春秋謹嚴，不止於
謹華夷之弁字，字字謹嚴，句句謹嚴。
全篇謹嚴。春秋意在言表。春秋詞簡，
而旨微。欲盡得聖人之心，於千載之
上難矣。

興師以正任帥得人吉之大者

師卦辭最明

興師擇將行賞用人之要莫備於師

興師之義既正又得丈人爲之主師在我者先
勝矣征伐其有不克乎

纔說理便无可言者

理氣无縫隙故曰器亦道也道亦器也

太極不可以動靜言然舍動靜便无太極

理是天地萬物之極至處更復何言

公則四通八達私則偏向一隅

書終於秦誓殆聖人之微意歟

書所載皆帝王經世之大法而終之以侯國之

書豈非衰世之意耶

孟子曰不下帶而道存焉舉目而皆物即物而

道存陳司敗謂孔子有黨孔子曰丘也幸苟有

過人必知之其氣象之大可想

程子謂人天資有量者雖江海之大皆有滿唯

聖人之量道也自无滿時近觀人素稱有量者

不能不滿益信程子之言矣

道大无窮盡无方體取人體道无二其量无所

不容又安有滿特耶

此理真實元妄如天地日月風雲雨露草木昆
虫陰陽五行萬物萬彙皆有常形定則亘古亘
今而不易若非實理為之主則歲改而月不同
矣

一理一切穿透又不黏帶其妙不可言

觀人之法只觀含蓄則淺深可見

人心公則如燭四方上下无所不照私則如燈

只有一面光不能徧照也

觀人之法聽言最先雖不能盡亦可得七八分

人有本而露只是淺深則不露

方為一事即欲人知淺之尤者

淤泥塞流水人慾塞天理去其塞則沛然矣

人當大著眼目則不為小小者所動如極品之

貴舉俗之所歎重殊不知自有天地來若此者

多矣吾聞其人亦衆矣是又足動吾念耶惟仁

義道德之君子雖願為之執鞭可也

凝重之人德在此福亦在此

當如是者即是理如春當溫夏當熱秋當涼冬

當寒皆理也不如是則非理矣如父當慈子當

孝君當仁。臣當義。夫婦當別。朋友當信。理也。不
 如是則非理矣。推之萬物莫不皆然。
 堯舜之心。萬古如見。
 乾坤毀則无。以見易。天地毀則无。以見聖人之
 心。
 道學明而異論息。程朱之功也。
 本然氣質之性。具見於太極圖。
 天心豫本於吾心豫。
 凡有形者皆氣。无形者皆密。
 内外合一。无纖毫之間。

惟特惟幾。聖人警戒之心。曷嘗有頃刻毫髮間
 斷。
 余直不欲妄筮一人。前特妄筮人或終日不樂
 或連日不樂。
 事少有處置不得其宜。心即不快。必皆得宜。心
 乃快然而足。
 萬物皆有精。日月五星為陰陽之精。聖賢為人
 之精。金玉為石之精。珠貝為水之精。文木為木
 之精。是皆得氣之清明秀異而成象成形者也。
 成王問史佚曰。何德而民親其上。史佚曰。使之

以時而敬。順之忠而愛之。布令信而不食言。如
踏深淵如履薄冰。此名言也。
知止則有定。不知止則心不定。
理明則心定。
萬物各具一理。萬理同出一源。故一以貫之。
一以貫之。只為理同。
天之生物一本。故一以貫之。
聖人之心。萬事之理。絲毫無間。故一以貫之。
一以貫之。觀太極圖可見。
持已得一敬字。接物得一謙字。

敬以持已。謙以接人。可以寡過矣。
愈收斂愈充拓。愈細密愈廣大。愈深妙愈高明。
特然後言。惟有德者能之。
一只是性。天下无性外之物。而性无不在。
一以心言。貫以情言。所謂心統性情者也。
順理則心悅豫。不順理則心阻戚。
順理都无一事。
順理則泰然行之。无所窒礙。不順理則鬱塞矣。
理明後見天地萬物。截然各安其分。
私欲盡而心體无量。

虛明廣大氣象到人欲淨盡處自見匪言所能
喻也

理明則心是萬事是

所惡有甚於死者人皆有是心也觀小學所載
夏侯令女盧氏竇氏二女之事皆婦人女子非
素閑於禮教者一旦臨利害之際寧就殘毀危
迫糜軀之禍而不肯易其節非所惡有甚於死
者能然乎

道學明而異論息程朱之功也

字雖六制而其理實出於天如一而大為天二

而小為地之類可見

冲漠無朕之中萬象森然已具書其一也

河圖數之始字畫之原

水火二字分明乃坎三離三二卦順置之可見

常使有己則不隨俗而變

韓文公文友忠而不反於退面可以為百世之

師矣

舍而不求為忘求之太過為助長勿忘勿助長

漢文帝壁鄧通武帝壁韓嫣哀帝寵董賢男色

之溺人也如此

心是氣平而身體之柔如舒泰不可言
守牧守邊每匈奴入寇輒入保不戰如此數歲
一旦出兵大破匈奴威震漠北此正老子所謂
大國以下小國則取小國小國以下大國則取
大國又曰欲上民必以言下之欲先民必以身
後之孫子所謂始如處女敵人開戶後如脫兔
敵不及拒古人用兵之術大率類此
顏子仰弥高鑽弥堅在前在後皆指此理而言
博文是明此理約禮是體此理欲罷不能是悅
此理既竭吾才如有所立卓尔是目中了了先

此理雖欲從之未由也已是不可孰此理理者
何即天命之性具於聖人之心率性之道由於
聖人之身者也
大本者太極之全體達道者太極之流行
太極之理中庸言之詳矣
太極者理之別名非有二也
太極即是理就太極上愈生議論去道愈遠
統體各具之太極非有二也
太德敦化萬物統體一太極也小德川流物
各具一太極也

合仁義禮智言之是統體一太極分仁義禮智言之是各具一太極

後學不知太極即是性因見其名異駭而不敢求其說大道隱矣

四書通則太極之理不待講說而明矣

孔子言太極是指理言周子言无極是指此理无形而言

丙吉深厚不伐張安世謹慎周密皆可為人臣之法

丙吉為相上寬次好礼讓不親小吏特人以此

知大體

清而有容乃不自見其清清而不能容是自有

其清而心反為其所累矣

以己之廉病人之貪取怨之道也

廉而自忘其廉則人高其行而服其德

心者氣之靈而理之樞也

道理浩浩无窮惟心足以管之

萬化常然者理自如也

出不得不鳴者理也

吾思人有貴而自滿者亦謂位不期驕也此不

可不戒

聖賢之文乃道之精華

聖賢之文自道中流出如江河之有源而條理貫通後人不知道而有意為文猶斷港絕潢之無本雖強加疏鑿終亦不能貫通為一真元用之贅言也

陰陽變易而理常存所謂恒也

所以陰陽變易者固理之所為而理則一定而不易所謂恒也

人之所從不可不慎觀諸卦爻或吉或凶多係

於所從

知賢而不能用知惡而不能退不若不知之為愈何也不知賢則人猶冀其能知而有進用之時不知惡則人猶冀其能知而有退遠之望若知賢而不能用人知其必不能用矣知惡而不能去則人知其必不能去矣是使賢者終无以行其志惡者愈得以肆其惡也

漢元帝因京房之言知石顯之女妙而卒不能遠
於謂惡惡而不能去也
聖賢學性理學其本眾人學詞章學其末

所以為學者只為人固有之善。或蔽於氣質物欲。有時而失。故須學以復之。及其既復。則本分之外。不加毫末。後人不知學。其於固有而學。文辭之畫字類。求工求奇。徒弊精神。於元用。其失遠矣。

三代之學。皆所以明人倫也。外此便是世俗之學。

孔子稱直哉史魚。君子哉蘧伯玉。二者君子必慎所取。孝君子如玉。反覆觀之。溫潤瑩徹。无瑕。

史稱韓信知高帝畏惡其能。乃知高帝欲去信之心久矣。雖无陳豨之事。殆必不免。

呂后殺韓信事。竊意高祖必有言。史稱帝畏惡其能。以畏惡之語觀之。則知欲去信之心。必露於左右。其討陳豨也。空國遠征。信留京師。帝豈无防信之密謀乎。但他人不知。而呂后自知之。故變告一上。即用蕭何之計。詐而斬之。不能信以蓋世之功。為國功臣。后安得因一時之飛語。不待奏報。而遽殺之乎。以是觀之。則欲去信之心。久而有密計也。審矣。

行有條理明白者皆謂之文。非特語言詞章之
謂也。如天高地下，其分截然而不易。山峙川流，
其理秩然而不紊。此天地之文也。日月星辰之
照耀，太虛雲物之斑布，草木之花葉，紋縷鳥獸
之羽毛，綵色金玉珠璣之精粹，此又萬物之文
也。以至三綱五常之道，古今昭然而不昧，三千
三百之禮，小大粲然而有章，此又人倫日用之
文也。至於衣服器用之有等級次第，菓蔬魚肉
之有頓放行列，此又萬彙之文也。推之天地之
間，凡有條理明粲者，无往而非文。又豈特見於

文辭言語者，然後謂之文哉。
愛流而為淫溺仁之過也。

物物各具一太極，一而二也。萬物統體一太極，
二而一也。

程子論恭敬曰：聰明睿知皆由此出，蓋人能恭
敬，則心肅容莊，視明聽聰，乃可以窮衆理之妙。
不敬則志氣昏逸，四體放肆，雖粗淺之學尚茫
然而不能察，况精微之理乎。以是知居敬窮理
一者不可偏廢，而居敬又窮理之本也。

家人卦初九曰：閑有家，悔亡。九三曰：家人嗃嗃

悔厲吉上九曰有孚威如吉大業治家過嚴雖
亦中而吉

莊子曰夫事其親者不擇地而安之孝之至也夫
復其君者不擇地而安之忠之盛也此言甚正
先儒謂曹操之死於分香賣履細碎之事无不
區處獨不言禪代之事乃其女姁計此固也然觀
孫權稱臣於操稱說天命之時操之群臣因是
勸曹即真操曰若天命在吾為周文王矣觀吾
此一言已以文王自處是以武王待其子也禪
代之計蓋昭然已露又豈臨死其計所能掩哉

聖賢之言如法律條貫之則循安悖之則危其
有不然者幸不幸而已

天地睽而其爻同也男女睽而其志通也萬物
睽而其爻類也是皆物形雖異而理則同

衆人見物形之異聖人明物理之同

天下无二理古今无二道聖賢无二心

道體本深遠難言故詩曰維天之命於穆不已
唐虞三代之治皆自聖人一心推之无非順天
理因人心而立法也

莊子曰通於一而萬變畢形容通體之言也

論萬夏皆當以三綱五常為本
天地間至大者莫過於三綱五常之道帝王之
為治聖賢之為學皆不外乎是
觀史不可以成敗優劣人只當論其是非
學者之所講明踐履仕者之所表倡推明皆當
以三綱五常為本舍此則學非所學仕非所仕
也
三綱五常之道根於天命而具於人心歷萬世
如一日循之則為順天理而治悖之則為逆天
理而亂自堯舜三代歷漢唐以至宋上下數千

年蓋可考其迹而驗其實也

溫大真為劉琨奉檄將命江左其母崔固止之
不能得至絕裾而行千載之下他人念其母之
情者猶不覺感愴於心大真乃忍此而行其本
心可謂死矣後雖有功惜乎猶不能掩其失也
取人當觀大節大節者何三綱五常之道是也
孟子論陳仲子之事正謂大節既失小者无足
觀也蓋人之大節莫過於倫理辟兄離母大節
失矣區區小廉何足道哉

昔之智士料夏中如羊祜告晉武帝曰取吳

道

不必臣行但既平之後當勞聖慮耳又曰若夏
了當有所付授願審其人正謂建儲一事也郭
欽以戎狄居內地非所宜不徒將有變故後來
惠帝昏愚紀綱頹弛戎狄亂華皆如二子所料
其可謂智士矣
言敬莫詳於書但挈出其要以示學者則自宋
儒始性外无道率性即通也
學道固自聖賢之書而入苟徒斲心章句之間
而不求實理之所在則亦无以有諸己矣
理真實无名

既曰理夫復何言只是人物之所以然者便是
也
三綱立帝之道日用而不可須臾舍猶布帛菽
粟不可一日而无也舍此他求則非所以為道
矣
人之邪正必謹於所習習與正人居則正習與
不正人居則不正此前賢之至論萬世之明戒
便辟側媚小童最能頌人志意使人不覺傾向
幾至心不能持自非明理剛特有守之君子鮮
不為所移者以是知古人比頑童之訓其慮深

矣

意纔有向便失其正不可不察

挺特剛介之志常存則有以起偷惰而勝人欲
一有頹靡不立之志則耳為小人流於卑汚之
中而不能振拔矣


自治之要寧過於剛不可過於柔顏子克己之
功非至剛不能

敬則之怠則廢

莊敬日強安肆日偷之語宜深體玩蓋在敬則
志以帥氣卓然有立為善墮墮且不倦而不知老

之將至安肆則志氣昏惰柔懦元之玩愒歲月
悠悠无成矣

古人衣冠偉博皆所以莊其外而肅其內後人
服一切簡便短窄之衣起居動靜惟務安適外
无所嚴內无所肅鮮不習而為輕佻浮薄者



讀書錄卷之六

Handwritten text in vertical columns, likely bleed-through from the reverse side of the page. The text is faint and difficult to decipher due to the paper's texture and age. It appears to be organized into several columns, possibly representing a list or a structured document.

